

楚望閣詩集

楚望閣詩集卷八

甯鄉程頌萬子大著

七言近詩

寄和海年兄都門秋感二首

九月寒霜待授衣，燕臺有客未言歸。
工催內苑金莖鑄，詔下中原鐵騎飛。
漢代山河勤遠略，賈生才調與時違。
憐君負米長安道，臣朔毋爲自苦飢。

芙蓉天柱鬱崔嵬，楚塞山川亦壯哉。
絕頂龍蛇蟠澗出，連江風雨送秋來。
觚稜萬里空相憶，鐘鼎千年半劫灰。
極目關河無限憾，寒鴉落日迸相催。

飲馬桑乾悵夕曛，知君牢落鬢絲紛。
盤雕原上秋先老，屠狗門前酒易醺。
近日帶圍應未減，幾家枯響不堪聞。
相期寄語

金門客珍重編摩祕笈文

題李幼梅分巡所藏越南使臣阮恂叔詩卷

綺什畱題百幅紗飛鷲消息盼天涯銀槎日月通藩服銅柱
山河本漢家別夢尙懸天北極新詩分寄日南花不堪楚望
分攜後海國烽煙夕照斜

寄周雪池華陽

碧鷄坊畔柳枝斜爲憶周郎別思賒天末故人如燕子春來
錦水似桃花愁彫湘浦千年竹夢斷夔門一夜笳寥落朋簪
相慰語倚閩珍重惜春華

再寄雪池

齊年君亦傷遲暮聊作天涯萬里行三峽衝湍來估舶五溪
寒雨送江聲行帟畫本皆山水散髻斜簪亦性情此際征塵

淹別苦莫將杯飲擅縱橫

湘社雜和李義山詩 并敘

昔嘗謂學杜詩當從義山入然學義山而不得往
往有淫思而無古意不獨遠於詩教且貽心體之
累暇與中實叔由諸子縱論及之因約雜和十一
篇用昭裁割沈博之響萬有弗逮聊以是爲涉聖
之權輿爾

樓上歌聲樓下絃被池香霧又三年碧籠小榭初調馬紅定
斜陽不見鴟楚望雙嘯斑後雨吳妖一握玉爲煙如今畱得
飛龍骨每憶當初便黯然

右錦瑟一首次韵

碧城天上隱闌干相送麻姑海色寒一夕金夫歌白鴈三年

玉女泣青鸞畫廊油碧春前見窄袖嗁紅別後看願化舞臺
銀蠟炬照他嬌影上空盤

抱月飄煙亦可憐相思眞悔見桑田星穿巧夕針雙孔香鞵
斜廊玉一肩秦女瑣窗窺鳳柱楚妃靈瑟感鮫絃任他方朔
偷桃去仙大花中只自眠

畫樓東畔是前期七夕星橋斷欲垂桂魄自鋤天上藥檀心
空發海南枝相逢羅襪無須賦獨背銀缸有所思一枕綺櫳
留夢處昨宵愁語阿囊知

右碧城三首次韻

相見迴廊屨有蹤百花迢遞一聲鐘鐙移菱鏡春旋浣盞覆
蓮房粉未濃窺玉有牆扶薜荔賣金無賦對芙蓉定知來日
天涯路隔斷紅簾又一重

風自淒淒雨自來，昨宵鴛枕不驚雷。
空聞楚館烏噉好，幾見秦臺鳳引回。
繡被鄂君愁褪色，香籤韓偓悔多才。
檀牀坐暖薰鑪冷，白拔金釵自畫灰。

花外紅閨別一重，羅巾方勝替君縫。
玉釵低壓鴛紋窄，銀蒜雙鉤燕路遙。
睡袖掠乾今日碧，酒裙迴污昨宵紅。
相思又到苔陰立，莫遣雙魂更化風。

珠簾四捲閒中堂，簾內人如錦瑟長。
似此星辰看織女，不因風浪嫁彭郎。
燈花落盡皆愁蒂，劍語傳來有笑香。
底事三年成一賦，多應妒殺楚臣狂。

右無題四首次韻

秋怨春歡迥不同，鎖窗青鳥信能通。
芙蓉塘冷初更月，楊柳樓低昨夜風。
歌扇舞衫都爲捲，釵盟鞵誓易成空。
斷腸花共

同心草分種珠闌各一叢

牢鎖金魚不啟關
鉤聲依約度屏山
更無羅袂遮心鏡
且有明珠作耳環
曉色窺簾渾是夢
夜香薰被正多閑
琵琶聲破冥冥語
只在花樓第一間

十二紅闌擁碧筠
畫簾垂地雨如塵
邯鄲嫁後春無主
洛浦移來月有人
梁曲乍宜藏海燕
瑟波空自舞湘鱗
高唐一賦堪惆悵
淚雨斜行墮錦茵

右戲贈三首次韻

題中實潤州眺霞圖

夕陽城闕太冥冥
六代河山亦有靈
潮氣乍連京口白
山痕忽斷海門青
闌干一角詩愁破
樓櫺千年戰血腥
向晚鐘聲催客起
隔江漁火一星星

題中寶匡廬攀斗圖

屏風九疊鬱崔巍日色香鑪化紫臺李白千年尋夢去匡君
一足截江來六朝松氣隨僧冷五老雲根伴石栽昨夜天鷄
一聲叫吟魂東觸海天回

俄國太子游歷長江南皮尙書帥迎讌晴川閣趙莖
葆有詩紀事輒和其韻四首

晴川樓櫺出空冥珠島冠裳聚八溟歐土西來天入幕遼關
東望海無靈書遺隣國尊儲位 詔下長江護客星繡鎧蜺
旌渾在眼重臣郊候肅邦型

戈船春盡過長干颿捲江雲大纛寒赤縣三邊通積氣黃樓
一色轉晴湖劃疆絕漠憑天使重譯神州紀地官異日戎王
能主國還教宛馬入長安

四洲盟聘遞相沿少海星槎島客船迴見金輅入東部還聽
玉笛到南天夏邦王會從優禮漢代官儀考舊編大別峰頭
公讎在賓嘉初見五千年

中興亭障借邊約楚塞山川入座分苑內葡萄原有種江邊
虵鳥自成軍新詩夙起鷄林譽高讎能清蜃市氣爲想封侯
張博望折衝尊俎不論勳

望廬山懷易中實草堂卽寄其湘中二首

十年夢想匡山宅今見香鑪紫翠開五爪白雲穿戶出九江
晴嶂劈天來銀河倒挂三弓影金闕迴看萬仞臺聞說東南
天子鄣方壺何處接蓬萊

故人遙隔洞庭雲寂寞空山鶴有羣且許狂生尋海若更將
詩句寄匡君湖陰遠見千帆出江勢還從九派分爲爾僊壇

一招手醉攀南斗驗星文

過采石磯懷李白

一夕江東訪李生
闌干百尺接空冥
天邊詞客去何已
波底老龍呼不醒
風色靜懸江海白
酒魂饑偪斗牛青
宮袍落拓人何在
楓葉蕭蕭打客舫

孝陵

夕陽陵戶兩三家
江表年年望翠華
玉座苔荒人曝麥
金壇樹冷鳥銜花
臺城此日無歸燕
故國當時有鬪蛇
龍虎銷沈三百載
只今惟見暮嗁鴉

登北極閣

鷄鳴埭上千年寺
元武湖邊一夕霜
天外江聲來楚蜀
夢中山色失齊梁
六龍去後惟芳草
雙燕歸時易夕陽
陵谷銷沈

無限恨楓林十廟自昏黃

別鄧二

兩日維舟白下灣天風吹夢不知還與君破帽疲驢出只在
殘山賸水間燕子磯邊潮未落鳳皇臺畔柳空攀明朝海上
移船去賴有新詩得破顏

周雪池自蜀來會於江甯輪舶喜而有作

江臯樓船黯不發石城艇子遲難回大江滾滾日東下故人
浩浩從西來齊梁詞賦空餘子吳楚山川覽霸才共汝片帆
京口渡鱸魚飛雪一樽開

過鎮江

天塹誰云限南北抽帆獨下五湖東開門揖盜中朝恥飲酒
譚兵北府雄長笛遠生瓜步月殘鐘初破海門風佛狸祠下

神靈語擬叱雷龍架彩虹

海上贈王夢湘編修

十年海上見王郎少日才名鬢有霜
底許吟詩催短李還看射獵到長楊
四洲人物龍堂接五夜樓臺蜃氣涼
我亦飄流無限恨相從啼髮問扶桑

大沽

萬里蟾蜍吞北斗十年磨蝎限東坡
針神勝客來黃浦帆影催人上白河
望裏旌旗連黻黷愁邊島樹鬱嵯峨
天窮一髮華夷界幾夕樓航夢枕戈

海船以盤針定路

贈汀州江未海

南船北馬五千里初見江郎作賦才
地接盧龍天下險人從屠狗市中來
寒窗敗蘖詩千首暮雨僧廬酒一杯
莫上居庸

更南望楚雲迢遞雁行哀

法華寺月夜同沈伯菲

僊壇樹靜不聞鴉涼月西廊一道斜燈火九衢開夜市樓臺
七夕近天家枯僧自掃中庭葉病鶴猶依講殿花語到酒闌
鐘漏迴又聽車馬過東華

答和張治秋編修丈贈詩時丈被命南書房

旭日觚稜接塞沙鳳皇銜詔入天家簾衣晴拂南齋柳橋
影秋圍北淀花從獵乍看金轡裏簪豪新展玉鴉叉侍臣獨
有相如重五色宮衣翦絳霞

酬別巴陵周生

等是金臺惆悵侶浩歌擊筑不堪論太行西去天容隘碣石
東來海氣昏夢裏槐花羈倦客吟邊秋草別王孫相期明歲

巴邱道同語君山酒一尊

富贈許少翬編修

僊才弟一鵝班迥向午花磚下
直司笑我遠求方朔米與君
初見郭隗臺幾將鴻寶投明主
爲負鯨吞盡百杯莫倚草元
能閉戶銀槎應汎日邊來

蘆溝橋和贈徐花農提學

策馬桑乾又一時九門宮樹鬱參差
觀風萬里趨羊石待漏
三宵集鳳池沙向秋黃催鬢影
柳如春綠不髡枝郵程弟一
宣南道衣上 皇州雨露滋

過琉璃河柬徐提學

琉璃橋畔柳鬢鬢聖水流澌照鬢斑
衣上征塵燕市酒馬頭
秋色太行山黃蕉丹荔趨炎海
短褐疲驢下瓦關深羨皇華

詩思好督亢斜日亂雲間

和徐提學曉發新城

凌晨宿霧一鞭清拒馬河千墩吏迎隄樹暗隨鴉路轉邊沙
寒送馬蹄輕詩催孝穆無雙句人在滹沱第幾程三輔黃圖
今阨塞斷雲遙指易京城

趙北口次提學韻

燕南趙北柳枝多短髮蕭蕭易水歌十二虹橋天外轉八千
霜塞客中過沙平試馬秋圍幕風急呼鷹曉渡河夢裏江鄉
詩思切吳興鷗榜洞庭波

任邱趨河間

夢醒同聽汝南雞初日關山息鼓聲瓠子遠從天上落井陘
直走太行西霜低掠樹饑鷹眼風急敲塵亂馬蹶回首虞邱

臺畔路官橋寒柳思淒淒

曉發桃園馬驛

一鞭回首歷亭城
喔喔荒雞送曉行
關月向人低野色
河流出樹變離聲
平原肝膽知誰是
趙女琵琶恨未明
分付贏鈴馱夢去
齊煙漠漠計前程

蘇祿國王墓

禹蹟東遊閱歲年
名王高冢並祁連
九河樹黯牛眠地
萬里帆通繫穴天
此日大秦爭互市
當時突厥有分筵
迢迢蜺驛無窮思
獨背斜陽愴墓田

恩縣

昨宵龍輦城邊宿
今日高鷄泊畔來
捲地黃沙吞衛水
連天白鴈下漳臺
窮秋行役詩歌苦
去國關河風雨哀
自起中宵

看長劍庾郎終是不羈才

行至東平

驅車落日過嶢嶢河勢平連岱色驕到眼青山常歷歷打頭
黃葉自蕭蕭三歸臺遠秋無際七女津寒草未凋此夜東郵
未歸客貂裘霜氣壓星韜

汶上酬徐提學

使者今爲嶺外遊憑攜魯酒看吳鉤同驅直北一千里行過
山東第幾州暮雨孤邨汶水客夕陽疏樹關亭秋承平日月
轉軒頌看取新詩滿驛樓

鎮江旅泊

瓜步殘虹晚未收東南天地入清秋荒洲伐荻呼龍子斷岸
吹花界蠶樓空際帆檣連海色夢中燈火見揚州那堪搖落

三山成獨對煙波愴旅愁

焦山枕江閣觀楊忠愍公遺墨次卷中元旦有感韻

贈梁節齋

奮迅風濤筆有神枕江高閣望星辰文章肝膽無餘子花月
江山不算春瘞鶴焦廬權作友葬魚珠海尚留身相看落窳
仍孤憤棖觸鴿原夙草新

先兄伯翰
與君雅故

張園宴集座客乞效康夫體二首

亭館低藏海氣鮮瓊窗十二燭三千迎人繡甸妨珠幙隨意
鈿車入玳筵銀鴈響催金屈戌鐵籠腔抱玉嬋娟凭樓更是
西風緊指點吳儂上下船

隔花籠塢有腥暉鐵史先生酒力違催得虹橋馱馬到更騎
黃浦小龍飛玉織自卷檳榔脆繡帔曾包茉莉肥明日黑風

還送客更誰簾底畫湘妃

偕張肇慶登披雲樓

郡樓迢遞接空冥百越河山一髮青
但有風流歸太守還看草木入圖經
天邊樹色浮三水檻外嵐光護七星
惆悵昔遊文字感抱琴重問綠莎廳

發肇慶于役羅定

夢中幾曲西江路絕飲東坡詩思忙
好樹若與人拱揖遠山似向船低昂
廚榆熟後來珍烏菜蒴開時見蠻娘
又是經旬文字役急瀧聲裏別靈羊

同舟贈孫漁老

雄才老去見孫黃短燭蓬窗夕對君
海外山川乞米帖天涯風雨送窮文
荔枝紅偪巖光仄椰子青肥瘴色分
早語孤山

留副墨百年鸞鶴有同羣

再贈漁老

知君胸有虎鈴方對舞琵琶酒數行夢裏青山來浙水愁中
白髮到炎荒三江榕葉低船過五月榴花點鬢涼我亦南征
思搖落濯纓聊與詠滄浪

連州道中和花農提學韻

瞳瞳嵐翠合前旌五嶺今隨漢使行湟水斷帆千鳥疾峽雲
穿樹一鷲明天邊星斗欣持節闔外樓船幾息兵此日蠻花
簇行部杞材巖壑見髦英

發韶州贈花農提學

賦罷韶陽卻餞篇還看政寶付雕鐫堂前三老親行解江上
諸生黯別筵花裏旌旗詞客隊柳邊燈火蠻人船千金陸賈

知何用長結嶠南子墨緣

試院棘垣不戒於火君有韶陽卻焰詩

都門憶感和徐提學

沙裏籠燈月裏行風流京雒有知名窄衫九陌春盤馬繡兜
三河夜射生鈎響依稀來曲檻簫聲迢遞隱層城今宵海國
鮫人睡可得量珠百斛盈

自題橫覽圖三首

圖至丙申夏七月成凡十有六幅

不道高歌觸鬼神雕劔草木見清貧江淮河海一年客南北
東西萬里人遠夢但憑詩作祟窮途空與酒爲隣蠻花插帽
山盈几擁鼻孤吟復幾巡

新婦知爲粉黛羞侏儒得飽亦忘憂腥風吹折沙頭樹瘴色
平屯驛外樓弱水暗侵天北極強臺不障海西流勞生擾擾
關何事底許狂名狎鷺鷗

浪遊天地坐詩窮燕月吳霜兩鬢蓬幾輩功名出西邸頻年
大計哭南公嗟猿別鶴三秋晚縛虎屠龍一笑中回首山川
如過夢椰林殘日阻歸鴻

尋燕喜亭遺跡

不見當年廿四亭谷雲溪鳥去冥冥城邊眾木因人綠天外
羣山過嶺青草沒韓碑扶蠹屨花開秦戍變圖經夢中千里
瀟湘道獨漉何曾有醉醒

梅關四首

禹蹟當年阻南服短衣騎馬欲何之山川戍卒秦時塞兄弟
偏師越國旗鳥道自盤天上下鷄瞰遙共海犇馳他年乞作
關門吏哨得梅花便療飢

劍戟孤蟠嶺外天河山信有鬼神鉤眼中香海三千樹夢裏

羅浮四百仙欲向梅銷乞舉里可從楊僕問戈船
巖雲一髮純青色苦爲中原障百川

靈髻峩峩叱馭樓重關未肯唱刀頭記從北極窺南極纜出
雄州望瀨州過雨一梯懸曉瘴蟠風萬木踏窮秋悲魂慧苴
如何似郡國於今愴故侯

仙壇紅雨不論春畱與關山滌戰塵寶葬空聞竄天子繡旗
飛下洗夫人蒼巖落木颺羣嘯大道靈祠虎氣馴雄奧只今
誇越絕未容天限百蠻身

題徐提學晉闈選士圖

四年兩度乘輶使珠玉由來數瓊川
畫本曉開汾水樹詩虹
秋遠井陘天西堂桂影朝衣暈東觀芸籤世系編
樺燭兩行官吏喜卿霄同奏五雲牋

中寶和贈予集望廬山寄懷之作依韻錄別

長風吹帆下絕島江上已有梅花開逢君一笑酒杯墮怪我
十日南溟來茫茫身混龍爲宅浩浩愁登鶴有臺天地輪困
雙足跡甚時同鏟北山萊

匡山琴志一樓雲吹下橫江鴈鷺羣小別鶯花息媽廟中流
簫管洞庭君關山歧路詩爲媵風雪殘年袂又分響颯豐鐘
一千里楚狂吾道有雄文

和魏仲子

燭鞞更闌又一宵玉聰都爲使君騎練裙密字題嫌少羅帕
奢香想更遙風颭落花初入榭雨昏歸騎不知橋鬢絲禪榻
清吟健腸斷春遊暮復朝

楚望閣詩集卷八畢

受業

東湖張本槐
海門劉先謙

校字

楚望閣詩集卷九

甯鄉程頌萬子大著

七言近詩

阻風柬趙仲駿

詩思全髡齒未翁短篷殘燭楚江東
雌龍不信三年寡山鬼能驅七日風
已分問來天默默未妨愁破雨濛濛
荒灣一舸蜻蜓艤中有君家貫月虹

鄂中詠懷古蹟五首用杜韻

睇髮未容三島外論心只在七絃間
無人與擊中流楫有客來登大別山
檻外江魚同聽梵天邊遼鶴未應還
霜高木脫層臺冷爲憶中旂一款關

蛾眉誤墮和蕃策怪底中朝有畫師
村草尙種遺烏在峽雲

楚九

十一 張自邦集

如見卸囊時空江環珮歸何日絕塞琵琶媵所思今日神州
幾甌脫覆槃蓋笠使人疑

鯨沙到海已無門江上漁樵各一村兩賦東坡傳赤壁數峰
西塞破黃昏編成檣杪逋姦在招徧艤幢戰士魂若覓周郎
共橫海眼中球島不堪論

緩帶輕裘今杳矣峴山山下有靈宮穹碑淚墮長林外古柏
根穿夕照中爲想軍謀輸陸抗尙畱遺愛比文翁於今楚塞
資雄鎮漫喜車書萬國同

運移漢祚空籌筆何似隆中一枕高國步已艱三鼎足人才
眞比九牛毛龍潛幾輩伊兼呂鹿逐誰何孫與曹爲攷襄陽
書舊傳大隄征轡朔風勞

聞上海爲戰外公地感賦

新闢乾坤百戰場，滬城高壓海大荒。自南自北夷居樂，無夏無冬花命長。赤縣衣冠委窮髮，島邦鷄犬亦淮王。波臣別釀傷心淚，一夜橫流向遠洋。

贈別武陵李知縣智儔

春到武陵三十日，東風先送使君艘。麻姑坐見塵生海，漁父又隨花渡江。百里風塵淹骨相，一編煙雨臥船窗。知君久抱明時策，倦聽湘灘苦竹腔。

中實歸自臺灣自號哭齋因題其三魂集五首

颶風吹客海南迴，湖上波濤吼怒雷。身後有齋先謚哭，眼中無斗可量才。麒麟碧葬雷遺蛻，駿骨黃金半劫灰。漉酒茫茫向誰所，魯東門外受珠臺。

倚霞樓觀玉虛籬

君年夫人及姊并有仙蹟

聞其麻姑索笑譚作賦但悲

王傅鵬上書那得史公羅

君諫倭款伏願上書數千言

夏金鑄鼎姦逾九

楚水歸魂集有三何日原嬰與滂母逍遙同駕鳳凰驂

已從東海哭殷箕又向天南訴佛狸啼鳥應呼奈何帝調人
翻得甯馨兒上雲樂已薶黃虎無米炊還送黑旗待洗神皋
迴海水乞他神禹放支祁

香髓飛瀑挂晴天猿鶴都安厯劫禪萬首生前哀窈窕一家
死後乞神仙衣黏裨海三秋瘴淚灑齊州九點煙草長鶯飛
其阿姊白雲深處立鞦韆

三年乍見猶疑我萬死餘生尙有卿獨抱詩篇入窮髮待驅
海水作長城湘山春滿花無路瑤島人歸日自明若到西山
尋白老誓余相伴學長生

西山白老人數與君唱和仙蹟在豫章

題中寶所藏張船山畫冊

中寶嘗自傳爲明人張靈後身船山此冊述有是印

落日散鴉軍腰間五斗嗟無米眼底千金尙有墳太息聘錢
輸百萬司農乞巧更無文

直北關河走雪車白頭豪語共劉叉青山沒骨知誰葬赤縣
蕪憂末有家兩騎河橋淚水落數行煙樹郢門斜中原足跡
知同隘濁酒殘燈黯鬢華

宿信陽城隍神祠贈空塵淨源兩人

空塵方校刻
大復集淨源

能傲刻
漢印

匹馬昨經冥阨塞短衣今入信陽軍兩僧墨妙闢風雨七子
河山仰大文城樹已消淮水雪鞭絲遙指太行雲中原文獻
知誰屬一室相邀署古芬

破帽殘衫未了愁禪房花木幾清游雕鏤元氣成詩卷落魄
關河有敝裘已分金縉彫瞻部還看鐵騎隘中州深宵佛火

成銷黯蓮社重逢恐白頭

時信陽鐵路之議已成

碓山贈賀知縣

飛輓中原重此行關河風雪阻幽并詞場愛說張三影豪客
人推賀四明驛樹近連房子國詩虹初挂朗陵城齊年作吏
輸君健三十文章負賈生

西平贈別左素儲知縣

積雪茫茫河上城汝南雄鷄時一鳴十年相見各如夢幾夕
歲除還自驚闔路烏啼嚴鑰啟齋頭人去短檠明文章治譜
輸君早牢落吾家阮步兵

家四兄彥清與君夙好縱酒不遇之遭末疾振觸及之

立春日經許州受禪臺

夕陽表裏見山河受禪臺前策馬過萬里春隨行客至百年
愁比壞雲多定名不廢官天下橫海誰能挽逝波六合混茫

垂翅日我懷樑一長歌

汲縣店壁和雲南繆漱芬女史韻

女史後字素筠

窗間粉暈壁間塵妙體簪花字字新宮掖不隨脂粉隊

女史以畫

苑供奉

掖廷

乾坤難著病愁身碧雞天遠家何在白馬津寒浪打

人我正繁霜感搖落一般閨怨話貧辛

送魏仲子赴西安卽題其賈祠吟秋圖

秋月斜生海上棧并梧搖落髮鬢鬢酒悲橫出君猶健吏隱
蕭森我未能插帽黃花顏自舞挂帆紅樹晚如蒸攜持萬里
新圖畫抵似蒨鱸慰季鷹

武昌城外初髡柳幾日旗亭唱小鬟馬色暗懸秦樹外詩心
秋畫郢雲間佳時紫蟹同爲客舊習烏衣嬾共刪辟地譚天
兩無術待吹仙笛訪靈山

贈柳原又熊

帆接樽桑島外秋爲因多難訪神州縱橫滄海揣都丞相鑿空
無勞博望侯震旦祇今猶佛土坤維何計挽狂流眼中興亞
論才調我欲雲冠賦十洲

寄壽海年家兄廣州四十初度次自題相韻二首

拙宦猶能見性真艱難萍海兩藏身呼笙島外騎羊客橫笛
樓頭跨鶴人蒿目河山同揖讓拊膺哀樂未平均語君四十
年來夢好向靈巖證夙因

憶君南國相思樹索我西堂別夢縈身外功名槎欲犯胸中
方寸嶽難平海雲花葉三年寄江渚桃根兩槩情兄姬菊與
晚爲姊妹
行慚愧卯君無可壽雪庭珍重歲寒盟

送陳梅生御史入都補官四首

兩度京華見吾子翰林才調動公卿屠龍久笑支離益射虎
能參右北平海淀日高鷓退直津亭霜急雁呼營不關睥睨
成銷黯側帽風花滿上京

亮節霜臺昔未除遭回江渚更愁子批鱗有檻應須折落鷹
鸞弓慣引虛廿載雪庭慚鯉對百年湖海有龍居江鄉旅榜
中還日識得朱陵舊草廬

君兄弟均受
經於先大夫

讀書飲酒劇無事轉綠迴黃應可哀身外功名千種幻眼中
懷抱幾人閒暝雲帆影江干縹暮雨琴心漢水臺老大自慚
爲吏拙閉關顛賴喜君來

早春驄馬入鑿坡萬斛滄溟一瞬過鳥外星辰蟠黑子天邊
涕淚浴黃河時艱冀子三長策仕隱勞余五諫歌爲報金臺
舊知好擬從西塞拂煙蓑

書感寄仲張襄陽五首

襄陽長至有書至一夕寄詩彌老橫江上病楓紅自舞樓前
過鴈白無聲鹿門月落茆茨隱鴿渚天寒蓑笠清爲報故人
愁碑兀揭來須學御風行

兩人作吏本羸拙四海無家猶傲然豈有尊王蟠國脉可容
橫議竊朝權人閒歸妹六三叶地下明夷五百年風色自黃
江自黑楚雲吹淚鴈迷天

撲朔迷離更幾秋眼看窮髮水分流六經未許還生面萬事
相煎若綴旒且傍臥龍存病骨莫教騎鶴誤神遊茫茫俗學
論新舊猶遜當年掉闔雋

輕薄爲文本無謂疏狂涉世亦非儒心通白藕萬佛子節拜
貞松五大夫夢入朱陵探劍氣身從黃河灌桑枯而今憶子

成癡絕落寔殘燈黯病臞

天涯知己獨君存
江水茫茫漢水渾
怕唱白銅鞮舊曲那堪
烏夜語前村已聞牧馬窺
天塹待把屠龍奏
帝闈落日峴山
悽欲斷直將吟廢蝨乾坤

登燕脂山亭望夏口

向夕登山瞰麗譙
漢陽舟子不能招
樓臺兩岸星千點
城郭中分江一條
黃祖腹中猶有恨
伍胥身後更爲潮
上游若許饒天塹
浩劫應從戰外銷

柬梅生聊當錄別

官卑住傍好江山
歲宴貧居百慮刪
且有雛鬟供酒具
新從稚子課詩閒
壞雲忽失池邊樹
白浪高于閣外山
慰語隔江陳御史
早催帆影向榆關

贈松木

有客來從浴日東，壯愁橫掃一江風。
清樽有酒須招鶴，長劍窺人欲化虹。
漫道齒唇洲嶼接，定教憂樂後先同。
歲寒松柏應相憶，何許書生橫海功。

奉陪南皮尚書帥觀兩湖書院諸生校藝八首

江表安攘節制崇，中丞車騎昔瓏璫。
萬應桃李舒旌旭，四岸蘋荷愴暑風。
畫象瀛洲唐策府，鳴鸞頰水魯芹宮。
藟危楚寶據，策麋績車攻我馬同。

巡撫以次皆會

院樹參差講幄開，漆書鉛鑿映湖來。
鳩鵲苜蓿連賓閣，楊柳旌幢合釣臺。
東部車書同萬國，南州文物貫三才。
年時勸學資元老，八表勛庸照鼎台。

南馬正學翰林梁，廿七休官雪范滂。
健戶未妨江海上，鐫名

合在斗星旁夢中赤繡悲王迹壁裏金絲和魯堂漫說沈憂

換三樂諸生鴉鷺數班行

梁節齋編修
爲院監督

南齋北舍隔湖來湖水鄰鄰照講臺始信釣鼈皆俊物從教
市駿得邦才以人存國無雙士入座披圖見九垓不負江山
盤礴氣豈惟詞賦敵鄒枚

六堂分鐸劇雍容柱杖偕聽講院鐘驚座陳遵有豪辯談天
鄒衍遊才鋒輿狂適楚曾歌鳳胥怒橫江欲挂龍且喜諸生
能講武莫教國恥負深重

分教陳君善餘鄒
君雲帆與余夙好

帕首書生分小隊弓衣列校護元戎榜懸子鵠兼臣鵠學數
丁公與石公海色畫屏清淺甚江聲穿檻霸圖雄豈惟文囿
東南盛將種由來鬱楚功

仰止華陽觀察使追陪嶠雅丈人行中西政學窺元本新舊

人文識紀綱，歎玉九邊探。驥足抱珠千載養，龍堂重陰不替。

陶公柳廣厦，編摩歲月長。

王雪澄分巡
爲院提調

強學經年付末僚，儒冠廿六鬢飄搖。獨懸知己三秋感，撼起層江一夜潮。待與樊何箴墨守，相期楚望盛風謠。課程督責歸闕，惜江國繁星拱斗杓。

閩中秋臥病感詠四首

璇室高寒湧太清，九天環珮落風聲。吹笙子晉徒悽黯，竊藥嫦娥避老成。仗馬近歸青冢獵，病蟾重過紫臺明。天公不廢團圓夕，補築瓊樓望玉京。

迴憶灤河北狩哀，鳳闈秋雨哭軒臺。腥臊長白連兵氣，珠蚌元黃釀禍胎。秦女卷衣空自感，李暮擲笛信多才。玉櫳轉午嬋娟影，悽絕人間兩度來。

清光一曲和圓圓何似從龍入
寒年僥倖吳剛有今夕倉皇
徐福得飛僊秦關百二空憑險
越弩三千未敢前莫更華燈
燭宵魅已將珠翠影山川

痺痿中原厭鼓鼙更誰靈術奏
刀圭金僊淚下潼關隘玉輦
宵臨太華低風撼盧龍翻地軸
路迷仙犬上天梯滄江未識
風煙迥且拂晶簾看紫霓

楚望閣詩集卷九畢

受業

江夏呂澣垣
鄧陽徐維欽

校字

楚望閣詩集卷十

甯鄉程頌萬子大著

五言絕句

偶題

連理窗前樹年年不著花怪他無意緒移種向隣家

則江古意二首

柳葉湖邊柳春來綠幾枝相逢莫攀折恐是斷腸絲
青陂橋下水橋畔是兒家解盪瓜皮艇紅裙日暮斜

憶郭文學

鴈來書不至迢遞故人情一夕秋風起憐君白髮生

夜起

涼月上疎櫺風動羅幃冷扶起步中庭踏碎梧桐影

王郵旅館口號

獨樹挂殘月
離人對短釘
斷腸山色裏
飛夢下蠻江

凌江雜詩十首

輕船過五渡
遠樹落三楓
六月滇江水
青天天下渴
龍
凌江不知愁
流下滇江去
驛吏管梅花
近來添幾樹
水程三百里
斜日翦芙蓉
不見夫盧色
但聞煙寺鐘
灘淺沙勢橫
日行不十里
篙師賴汗血
染出沙頭鯉
津吏曉鳴鉦
催發把沙卒
辛苦蠻中人
西風瘦如鶴
停舟闌無風
月下臺關嶺
火筏出洞潭
白打鷗鷺影
沙激劃如畦
樹色簇如棒
船旗裊南風
各穿之字港
去去凌江驛
青山一萬重
哀猿三兩箇
不省叫何峰
遠尋橫浦路
身與嶺雲平
直搗青天上
樓船十萬兵

十日髮不梳
瀟湘在嶺右
昨夜夢中人
慰予紅荳蔻

六言絕句

題畫二首

無絃一琴在澗有鳥隨
人入山欲問山樵何處
竹籬茅屋灣環

絕壑籬邊鹿迹亂
山深處人家白雲冉冉
相望扶杖歸來日斜

七言絕句

題乾明寺二首

嵐氣松溪一萬重
寺門初聽午時鐘
斜陽一抹畱金碧
蝙蝠飛來山翠濃

紅泥亭子碧琅玕
石上飛泉響急湍
客倦欲眠僧已去
不知

空翠溼衣寒

郭文學青衫聽雨圖二首

江南四月斷腸天曾是青樓聽雨年
今夜玉簫明月影不知吹向阿誰邊

梧桐院落雨淒清酒醒香銷夢不成
髣髴玉人微醉後隔花低按小秦箏

寄蔡處士秉衡浙中

錢塘江畔柳毵毵日暮涼生白紵衫
衣上酒痕渾未褪更無殘夢到江南

春思

夾道朱樓是妾家鞭絲頻拂七香車
妝臺乍起東風嬾吹落一簾紅杏花

爲竟夫題詩孫畫扇一首

海船夜移黃浦月江亭秋冷白門潮如今扇影東風裏回首
煙波第幾橋

湘山螺黛學修眉記得秋林倚醉時一種六朝煙水氣梅郵
畫筆玉京詩

醉題王氏水榭

瑟瑟蘋煙暝短篷衣香人影去匆匆湖天一舸搖空綠無數
紅闌在水中

絕句二首

十二珠簾卷暮霞春風扶上七香車夕陽一角紅闌影絕少
人來問落花

消夏灣頭菰葉涼女兒浦口柳枝黃一雙紅袖凭闌立笑指

誰家白馬郎

晚泊湖口

湖上青山欲墮煙晚來搖艫過前川
白沙兩岸青楓樹曾泊
詩人一夜船

春深絕句

春人畹晚惜芳菲漠漠輕陰晝掩扉
閒倚雕闌魂欲斷辛夷
花發鷓鴣飛

題詩孫畫

松濤萬壑咽寒流百尺斜陽冷翠虬
破落山門閒不鎖白雲
縫補舊綈裘

瘦秋香榭四絕句

明星睽睽光墮水暗蛩淒淒嘯近牀
詩人竟夕不出戶月落

紙窗微有霜

凌晨散髮坐高閣
簷際雨來如白絲
簾鉤不捲畏風入
小窗低映青玻璃

墜階桐葉大如瓦
壓架蕉花垂過檐
晚涼披褐出庭戶
蝙蝠迎風時入簾

白露已下秋夜涼
客心搖落逢嚴霜
空牀月落夢初醒
一夕嗁烏飛過牆

送家兄子樸之金陵

楚雲吹斷鴈行高
神女祠前別路遙
送子洞庭舟一葉
大江東下海門潮

閒游

清明乍近春將暖
白袷閒游晚未回
待得前村沽釀出
夕陽

山寺暝鐘催

游仙三十六首

一片飛煙隔碧霄
舊時仙徑認迢迢
人間莫笑蹉跎水
杯勺
曾通上界潮

天墉千里麗崇城
貝闕金臺瑞靄橫
靈曜曉來剛二丈
鼻端
時復吸金精

玉皇親賜紫泥書
仙籍分明記太虛
攜向山中香滿袖
更催
童子餵青驢

使女書傳仙姥來
上元承敕下瑤臺
俟他方朔無才思
不乞
行廚醉一回

水晶宮殿冷雲深
十二雕闌護碧陰
手撚花枝更回顧
墜釵
何處暗相尋

滿身花影倚闌干上界那知下界寒王母賜來衣一襲鳳皇
衫子鏤金冠

自挾青龍凌紫霞赤青五色煉河車崑崙池上千年醉那記
餘杭阿母家

話別滄桑又一回香雲遮滿小蓬萊怪他舐鼎閒鷄犬也向
東皇侍宴來

路阻藍橋夢不成雲英別後隔重城玉郎花底閒貪睡侍女
催教吹鳳笙

臺空人去舊吹簫白玉仙童跨鳳遨千葉蓮花萬年藥偷閒
來作碧山樵

眞靈曾按上清篇夜夜銀河夢九天小語隔花香隱霧墜鬟
疑是步非煙

步虛聲逗碧城風手把芙蓉降遠空一帶紅牆深院裏月明時節下簾櫳

西池阿母彩雲迴池上蟠桃爛漫開種徧情根天不管冷紅吹下碧霄來

紫宇高寒擁絳霄雲梯滅影斷虹消願將一匹璇璣錦界作斜河兩岸橋

花影朦朧月影移嬌郎沈醉翠帷低蕊宮小女多情甚親捧雲箋索小詩

雙彈霞裾曳寶璫銀泥裙子繡靈皇聲搖綵繚香風過拾得花前紫佩囊

銀屏珠箔曉風輕睡覺微聞歎息聲莫問長生殿裏事君恩終自不長生

香霧氤氳曉帳開仙風吹到紫陵臺
簾前青鳥空傳使不與
冤禽訴恨來

九錫靈文玉簡寒七臺三島控飛鸞
仙家雲子尋常見笑然
花枝鬪合歡

曉窗花影望空迷十幅晶簾挂紫蛻
知是玉仙嬌未起梨花
滿地嫩鶯啼

靈飛小妹去何年倦訪青宮舊
領仙掩罷銀屏呼小玉香雲
倚處恰差肩

姍姍神女玉卮孃共到霞天捧翠觴
十五盈盈姑射貌爲他
安置鏤金床

雌鳳雛鸞絕可憐雙雙瘦影出花前
東風吹綠蘼蕪夢一碧
湘雲鎖恨天

不唱銷魂萬里愁傷春已誤況悲秋振衣直踏蓮華頂笑指
萍天一葉舟

絳霄風露浩漫漫看倚鵝屏喚鳳驂誰向天街親踏月紅燈
一點夜窗寒

曉看海色上屏風天外扶桑路不窮龍伯喚人催霧起教藏
新婦水晶宮

北燭仙人居紫微九光金母幾時歸瑤軒過處嬌雲擁散作
仙香滿路飛

偷桃昔日到瑤池仙犬花中睡未知若是被他驚夢起嗷嗷
還更吠多時

臥吸金光倦倚雲靈風長擁玉晨君輸他秦氏乘鸞女翦取
龍毛作繡裙

晶簾涼透暝煙痕斗極風高玉殿溫花下乘涼催沃面捧來
玉女洗頭盆

滿身香雪到瑤臺萼綠華應侍從回相贈鮫綃方帕子憐伊
信手剪刀裁

九天鸞鳳引笙簫送嫁雲駟記昨宵數徧鴛鴦三十六可隨
烏鵲學填橋

手翦香雲疊帕羅珍珠簾影隔明河東風吹醒花前夢三十
三天春恨多

織阿暎月出東溟海底蛟龍睡不醒我欲騎鯨歛飛去半空
長嘯海山青

望斷東南海氣昏憑誰一劍倚乾坤倦遊更上蓬山頂手斬
長鯨踏怒鼉

百年長夢渺仙源何處天牢魄鎖冤此去日行三萬里也應
無地種愁根

冶春絕句四首

盡日題詩費苦吟寶釵低傍枕函尋消他十幅簾波闊盪得
春愁海樣深

東風吹瘦海棠煙翦翦輕寒燕子天病裏不知春已去夜涼
扶夢過鞦韆

細雨如煙昨夜樓曉來殘夢在簾鉤小桃低亞闌干角燕子
一雙人對愁

百花時節好逢迎人倚東風酒力輕一樹殘紅雙岸柳春愁
畫得不分明

桃源洞二首

深閉巖扉別一天山中甲子記縣縣笑他海上童男女不種
桃花祇種田

荒灣重與繫煙篷客帶蠻江瘴色濃似有瞿仙相問訊呼人
遙隔萬重松

朱二結廬隣五畝塘題曰鷺窠系以二絕

空齋偈仄眞如舫小院荒蕪不受闌一樹芭蕉三尺雪離披
翠葉隔簾看

鷺鷥立處迷孤艇燕子歸來見舊巢殘臘催人又相別隔林
紅葉晚蕭蕭

題中寶所藏張夢晉歲寒三友卷子八首

絕代風流絕代春江南無地著愁鬢淪淪了卻三生夢明月
寒溪雪滿身

繡衣持節到中州三月桃花入海流最是人生難忘處清歌

明月在高樓

忘去聲

山塘七里弔斜曛如雪桃花一尺墳自是乾坤無住處獨攜
杯酒哭行雲

少年才子亦傾城伴月尋花有恨生行到吳中香雪海一天
愁霧不分明

後劫前因未渺茫隔花人又到瀟湘如今畱得尙書畫猶爲

多情喚阿郎

中實自記於崇樸山尙書齋中見唐六如畫崔瑩小像

鷺兒水長又呼船江上梅花欲斷煙認取鴛鴦雙冢在待儂

來守墓門田

世世生生海內知一回展卷一相思而今細數紅橋影可似

蘭舟乍泊時

崔瑩泊舟虎邱初與夢晉相遇

湘春門外柳千條別思依依在畫橋昨夜與君尋夢處半牀
梅影一枝簫

題中實滄海乘猷圖

狂歌東渡十三回僊鳥茫茫大霧開知有魚龍妒才子沿舷
都爲聽詩來

題中實洞庭眺月圖

吹瘦仙人笛一枝岳陽樓畔泊舟時二妃今夜愁如海不許
君山更皺眉

題中實鍾阜吟曠圖

淒涼秋色秣陵多斷送臺城一夜歌今日已無天下色十分
斜照待如何

贈中實叔由

湖海才名二十年歌樓僧院酒家船何當其汝匡山宅臥看
香鑪瀑布懸

叔由才思那能羈側帽長街自唱詩來向湘江洗愁髮五陵
年少不相知

題畫石二首

月下迴廊漏暗催纖纖扶婢立蒼苔相攜笑指情天罅可有
媧皇補得來

坐擁香屏漱亦宜晚風吹雨畫簾垂箇儂生小湖山秀解唱
人間第二碑

吳淞寄內

楚尾吳頭浪影高青山迴合海門濤畫成一幅吳江水不得
閩中快剪刀

發吳淞

吳娘送客出吳淞
天外銀濤萬里通
回首槎山青一點
海潮堆作白頭翁

上京雜題五首

年時乞米向東華
衣上緇塵鬢上沙
回首海天三萬里
眼中靈怪棗如瓜

清霜篷篳黯朝昏
故國頻年愴舊勳
日畏吾村下拜棠
花殞相公墳

令節荷花作壽杯
蠻奴雙鼻鳳城開
天南翡翠何曾貢
士女爭傳洗象來

錦鞍飛蹙繡麒麟
千騎看花陌上塵
諸老風流漸落頤
祠修禊更何人

肅肅靈風諫草堂當時尊俎見遺綱詩魂落拓宣南道何處
招公下大荒

題東岸驛壁

黃河不復繞城流枯柳蕭蕭背驛樓客鬢風沙晚相送青山
三面入徐州

過宿州

目斷江南鴈影低夾溝雲樹晚淒淒風流禿盡隋家柳秋雨
秋晴過汴堤

淮行雜詩十五首

蘆荻蕭蕭秋滿天布帆無恙丑河船照人明月空如此吹夢
江風未肯前

清淮低照鬢絲流千里黃塵一葉舟醉倚篷窗望風色榜人

遙指近雙溝

小雪纔過雲影低
洪湖波浪與天齊
居人分築淮邊屋
劃取黃沙作菜畦

花園三日峭帆開
睡覺微傾濁酒杯
不見隋家宮殿影
冷楓紅過釣魚臺

都梁山色壓淮濱
三日灣頭自候津
獨上清心亭上望
西風不見采香人

米老淮南第一山
玻璃亭畔水潺潺
寥天白浪高如屋
城郭陰陰鬼哭閒

巫支祁鎖望崔巍
禹蹟茫茫劃不開
一幅峭帆三百里
湖神剪紙索詩來

渡湖霜色落平疇
大艫中開粉黛窗
斜日淮南二閘過
綠楊

如網接清江

闌聲千尺下犇雷
津鼓聲嚴畫舫開
一片承平歌舞地
戈旗斜日運租回

緇塵京雒首重回
空惜淮陰上將才
獨倚樓闌望秋色
遠天紅樹過江來

竹樹灣環百里中
安宜城外雨冥濛
催人又作東南客
吹夢不妨西北風

船旗獵獵水悠悠
隄外人家隄上樓
閒煞江湖遠行乞
一天風雨過高郵

邵伯埭前天欲明
露筋祠下好風橫
烏闌白寫神絃曲
故事

重偕白石生

是日得順風爲平韻滿江紅詞
書以絳箋焚之璧湖用酬神朋

年時北馬又南舟
風雪漫漫暗打裘
願得結茆雲水窟
日凭

三十六湖樓

山川文字遞爲緣，落魄江湖未解憐。
莫惜秋華著雙鬢，送人花月廣陵船。

湖上草堂雜詩四首

湖上草堂天四垂，紅闌白堦斷橋西。
銷魂畫出揚州郭，小小金山短短隄。

月觀風亭一倍新，六龍迴憶翠華春。
隋家隄畔無情水，流過紅橋不見人。

廣陵城下又殘秋，白袷青琴其一樓。
買取鱸魚渡江去，暮帆紅樹出瓜洲。

雷塘西遶玉鉤斜，湖上空尋六代花。
兩兩鸞鴛忽飛去，茜魂知傍泰娘家。

梁節盦焦山隱居

五年直諫脫朝班散髮扁舟天地閒
三詔巖前一尊酒石藤花雨鬪禪關

雨泊夫容驛

荳蔻花開夾岸叢輕衫裁著鯉魚風
孤篷聽雨芙蓉驛一路青山似夢中

題徐仲可吳江歸權圖四首

越王臺邊月落歸海幢寺下行人稀
五更紅叱大魚起馱汝又向南溟飛

吳江楓落夕茫茫六柱船低四面涼
昨夜鴛鴦三十六定邀君夢去錢塘

唱罷珠孃一曲歌瑤潮紅射海門多
浙西山色浙東雨何日

從君金叵羅

六橋眉柳如人瘦江上詞人賦六朝網得西施呼欲出一花
紅上水僊潮

友人限韻題畫山水

綠樹柴扉百鳥咬隔籬香椽正含胞秦人洞裏閒雞犬龍戰
於今弟幾爻

晚姬卻扇詩六首

平湖秋水鏡中娥催送憑闌懊惱歌衣上媚香吹不斷乍擡
星眼望銀河

乾坤飄泊鬢如絲著箇朝雲壽一卮別母情懷牽袂日隨郎
滋味渡江時

娉婷大婦見猶憐了卻深閨稱意緣十載家常妝澹薄爲卿

畱著買花錢

九畹風神萬斛愁
桃花廟下木蘭舟
家山別後風波定
從此鴛鴦是並頭

燭屏深鎖釧聲遲
記否家鄉芍藥時
草草相逢不真箇
背按裙帶縮相思

紅牕問字髻籠紗
阿姊書傳海上槎
卻扇新詩待鈔寄
一般奇福屬兒家

題王幼霞御史秋窗憶遠圖三首

況夔笙舍人於金陵

殘碑二段拓寄侍御唐人詩所謂若到栖霞寺先看江總碑是也六朝碑拓南勝於北而南碑尤不易觀茲之摩刻當在北宋間幼霞裝冊爲圖倩同人張之

東風散髮過天涯
二月長安不見花
忽忽此身無處著
六朝殘夢帝王家

震巨癡人復幾多茫茫海水蘊空波江東樂府無人唱賸有
殘碑蝕鬼籬

況生落拓王郎老薊北江東黯鬢容一抹殘霞數株柳好春
焉得不愁儂

席上有感

樓頭乞巧聽霓裳諸老風流卅載強此日圓明橋上過落花
和淚點宮牆

戲題家人西法象幀二首

有序

嫉儂三十有二文采晦矣遁而之官妻汝南君少
嫉儂一歲竺儂知書略不計通嗇稚子四長曰詩
郎方十二能以詩娛嫉儂女曰蘋未知巧與拙侍
姬曰曉小字媚蘭嬉不知愁愁亦不能買其術於

晚嫁儂之遁於吏汝南君能慰藉之晚能嬉之詩
男能娛之嫁何所遁乎遁如未遁矣於是以西法
影其家人小象爲一幀而儂自爲之記

關河書劍三千里花月樓臺十四年海水自紅天自綠消他
一枕夢游仙

茫茫八口家誰似鼎鼎年光奈若何大九州纔窪數點不關
人世有風波

楚望閣詩集卷十畢

受業

成都徐熙樞
長沙李世斌校字